

K.Ş.S. 46/ S.132

Mahmiyye-i Konya'da Kuşhavan mahallesi sakinlerinden el-Hâc Abdülfettah Çavuş Ağa ibni Mustafa meclis-i şer'i hatiri lâzımü't-tevkîrda mahmiyye-i merkumede hâlen yeniçeri serdârı olan kıdvetü'l-emâsili vel-akrân iş bu râfi'ul-ktâb Hızır ağa ibni Abdi Beğ nam kimesne mahzarında ikrârı tâm ve ta'bir anil-merâm idüp merkum Hızır Ağa zimmetinde buğday ve arpa ve at ve deve vesair eşya bahasından beşbin beşyüz guruş hakkım olup halen talep eylediğimde merkum Hızır Ağa dahi on seneden beri beynimizde olan muâmelât-i şirâ' dan virmi yedi kise akçe sana ribh virdim deynim olan meblağı mezbur beş bin beşyüz guruşa takas ve bakisini istirdad talep eyledikde ben dahi on seneden berü merkum Hızır Ağa ya ecel-i ma'lume ile bey' eylediğim buğday ve arpa ve at ve deve vesair eşya bahası olmak üzere yedimde olan defter mucibince bana deynini sene be sene eda ve tekrâren tecdid-i şirâ ile ve mürâbaha namıyla bir akçe ve bir habbesini almadım sene be sene makbuzum olan meblağ buğday ve arpa ve at ve deve vesair eşya bahasıdırdeyü cevab verdiğimde beynimizde münaza2ât-1 kesire ve muhâsamât-1 ekîde vaki' olmuş idi. Bitevessutil-müslimîn merkum Hızır Ağa zimmetinde olan beş bin beşyüz guruşun bin guruşundan hüsnü ihtiyârım ile fâriğ ve mezbur bin guruş dava mukaddemâ merkum Hızır Ağanın meccanen ve ...ibrâ-i âm ile ibrâ ve iskât eylediğimden sonra baki kalan dört bin beşyüz guruşdan üç bin guruşunu tarih-i kitabdan yedi ay tamamında vaki Muharrem ibtidasında ve bin beşyüz guruşunu bin yüz yirmi altı senesi Recebül-ferd gurrasında eda itmek üzere te'cil eyledim ba'del-yevm meblağı mezbur dörtbin beşyüz guruşu merkum Hızır Ağadan ecel dolduğundan mukaddem dava sadedinde olursan ledel-hukkâmi'l-kirâm makbule ve mesmû'a olmaya didiğimde merkum Hızır Ağa mezbur el-Hâc Abdülfettah Çavuş Ağanın cemii kelimât-ı meşrûhasını tasdik idüp ben dahi ile deynim olan meblağı mezbur dört binbeşyüz guruşu ba'de hululülil-ecel eda ederim deyüb ve iddia eylediğim yirmi yedi kebir akçe mürabaha da'vasından ve âmme-i de'âviden mezbur el-Hâc Abdülfettah Çavuşun meccânen zimmetini ibrâ-i âm kâtiul-hisâm ile ibra ve iskât evledim didikde ehadühümâ âharın kelimâsını tasdik itmeğın ma veka'a bit-taleb ketb olundu. Filyevmis-sâbii vel-ısrîn min Cemaziyel-ûlâ lisene hams ve işrin ve mie ve elf. 27

Cemaziyelulâ 1125

Fahrus-sâdât el-abd El-Hâc Mehmed Ağa

Fahrul-müderrişîn Mehmed Efendi

Umdetül-ulemâi eş-şeyh Mehmed Efendi el-me'zûn bil-iftâ be-Konya

Fahrul-kuzât es-seyyid Abdülkadir Efendi

Umdetül-kuzât es-Seyyid eş-Şeyh Hasan Efendi

Abdullah Efendi bin es-Seyyid Cafer Efendi

Es-Seyyid el-Hâc Ali bin el-Hac Mehmed Mustafa Efendi

Es-Seyyid Hasan bin es-Seyyid Ali

el-Hac Mehmed bin yusuf

El-Hac Mehmed yetim zade

Molla Mehmed Halil bin Ahmed

El-Hac Mahmud...

Mehmed Beşe bin Molla Halil

